

ԿԱՐԾԻՔ

ՖՐԻԴԱ ՀՍԱՅԱԿԻ ՀԱԿՈԲՅԱՆԻ «ՄԱՆԿԱՎԱՐԺԱԿԱՆ ՄԱՍՆԱԳԻՏԱԿԱՆ ՆԵՐՈՒԹԻ
ՁԵՎԱՎՈՐՄԱՆ ԵՎ ԶԱՐԳԱՑՄԱՆ ՈՒՂԴՈՒԹՅՈՒՆՆԵՐԸ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ՈԼՈՐՏՈՒՄ» ԽՈՐԱԳՐՈՎ ԺԳ. 00.01
«ՄԱՆԿԱՎԱՐԺՈՒԹՅԱՆ ՏԵՍՈՒԹՅՈՒՆ ԵՎ ՊԱՏՈՒԹՅՈՒՆ» ՄԱՍՆԱԳԻՏՈՒԹՅԱՍԲ
ՄԱՆԿԱՎԱՐԺԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒԻ ԳԻՏԱԿԱՆ ԱՍՏԻՃԱՆԻ ՀԱՅՅԱՆ
ԱՏԵՆԱԽՈՍՈՒԹՅԱՆ ՎԵՐԱԲԵՐՅԱԼ:

Այսօր կրթությունը ընդունվում է որպես մարդու, հասարակության և պետության զարգացման գործընթացում առաջընթաց ապահովող չափանիշային համակարգի առանցքային բաղադրիչ: Սոցիալ-տնտեսական և հասարակական պայմաններում ավելի ու ավելի է կարևորվում նոր աշխատաշուկայի, տնտեսական զարգացման համաշխարհային պահանջներին ինտեգրումը և այս համատեքստում կարևորվում են կրթական համակարգի կատարելագործումը, կրթության որակի բարձրացման, մանկավարժական կադրերի պատրաստման և կատարելագործման գործընթացները:

Սույն ատենախոսությունը նվիրված է ՀՀ-ում կրթության համակարգում մանկավարժական մասնագիտական ներուժի ձևավորման և զարգացման ուղղությունների ուսումնասիրմանը և սույն գործընթացներում առկա հիմնախնդիրների լուսաբանմանը: Հեղինակն իր «Մանկավարժական մասնագիտական ներուժի ձևավորման և զարգացման ուղղությունները Հայաստանի Հանրապետության կրթության ոլորտում» խորագրով աշխատանքում ներկայացրել է ՀՀ մանկավարժական մասնագիտական ներուժի ձևավորման և զարգացման գործընթացներում առկա թերությունները, դրանց բարելավմանն ուղղված գործողությունների ուսումնավարությունը:

Գնահատելի է, որ սույն հետազոտության բնագավառն իրապես նոր է, խնդիրները հիմնավոր, հետազոտության շրջանակները՝ կոնկրետ: Ֆրիդա Հակոբյանի ատենախոսության թեմայի «Մանկավարժական մասնագիտական ներուժի ձևավորման և զարգացման ուղղությունները Հայաստանի Հանրապետության կրթության ոլորտում» ընտրությունը համահունչ է մանկավարժական գիտության զարգացման միտումներին: Եթե հաշվի առնենք նաև վերջին տասնամյակում հանրակրթական դպրոցներում մանկավարժական գործընթացի կատարելագործման տեմպերը, քննարկվող հարցերն ու հիմնախնդրի շրջանակները, ապա թեմայի արդիականությունը և հրատապությունը հիմնավորվում են անմիջապես: Միաժամանակ գովելի է ատենախոսի մասնագիտական մոտեցումները և սկզբունքայնությունը հետազոտության շրջանակների ընտրության հարցում: Ատենախոսը հետազոտվող հարցի տեսական հիմքերը ներկայացրել են:

մասնագիտական գրականության վերլուծության զուգընթաց, ձևավորել փարկած, դուրս բերել հիմնախնդիրները, որոնց լուծումները տրված են հետազոտության մեջ:

Ֆրիդա Հակոբյանն ուսումնասիրել է մեծ քանակությամբ գրականություն՝ 124 անուն գիտական գրականություն և 42 էլեկտրոնային աղբյուր, դուրս է բերել դրույթները, որոնց հիման վրա, հետզհետեւ կոնկրետացնելով հարցերն ու նեղացնելով շրջանակները, ձևավորել է հետազոտության հիմնական դրույթները:

Ներածության մեջ բավականին հստակ են ձևակերպված նպատակը, խնդիրները, օրյեկտն ու առարկան, պաշտպանության ներկայացվող հիմնական դրույթները: Աստենախոսության և՝ կառուցվածքը, և՝ բովանդակությունը հաստատում են, որ Ֆրիդա Հակոբյանը ճիշտ է ընտրել հետազոտության մեթոդաբանական և տեսական հիմքերը: Աստենախոսության և՝ լեզուն, և՝ ոճը համապատասխանում են գիտական հետազոտության առաջադրվող հիմնական պահանջներին:

Ֆրիդա Հակոբյանն իր «Մանկավարժական մասնագիտական ներուժի ձևավորման և զարգացման ուղղությունները Հայաստանի Հանրապետության կրթության ոլորտում» խորագրով աշխատանքում բավականին խորը ուսումնասիրել և վեր է հանել մանկավարժական մասնագիտական ներուժի հայեցակարգային դրույթները. աստենախոսը վեր է լուծել ՀՀ-ում մանկավարժական մասնագիտական ներուժի ձևավորման և զարգացման գործընթացները կարգավորող օրենսդրական դաշտը, սահմանել է «մանկավարժական մասնագիտական ներուժ» եզրույթը՝ որպես բազմարարադրիչ և դինամիկ իրողություն, ուսումնասիրել և վեր է լուծել մանկավարժական մասնագիտական ներուժի ձևավորման և զարգացման գործընթացներին առնչվող 2008-2018թթ. վիճակագրական ցուցանիշները:

Աստենախոսը, տիրապետելով բնագավառի գիտական նորույթներին և մշակումներին, կարողացել է գիտական պատշաճ մակարդակով գնահատել ոլորտում առկա իրավիճակը, իրավիճակի օրյեկտիվ գնահատման արդյունքում բացահայտել է ոլորտում առկա հակասությունները, թերություններն ու բացերը և իր տեսանկյունից ներկայացրել դրանցից ամենացայտուններն ու հիմնարարները:

Դրվատանքի է արժանի նաև այն, որ Ֆրիդա Հակոբյանը համակողմանիորեն ուսումնասիրել և ներկայացրել է մանկավարժական կրթության հիմնական միտումները. այն է շարունակական կրթություն, կրթության հումանագում, ուսումնական հաստատությունների միջև համագործակցություն, նորարարություն, մանկավարժական մասնագիտական ծրագրերի արդիականացում, շարունակական մանկավարժական պրակտիկայի կարևորություն և այդ գործընթացի հետևողական մուտեցում, պրոֆեսորադասախոսական կազմի շարունակական վերապատրաստում, նյութատեխնիկական բազայի կատարելագործում, հայալեզու որակյալ մասնագիտական գրականության ստեղծում և այլն:

Առավել ուշագրավ է ատենախոսության հետազոտության նախապատրաստման փուլը, որտեղ հիմնավոր ձևակերպված են հետազոտության նպատակը, խնդիրները, վարկածը, դիագնոստիկական և կանխատեսման, մանկավարժական մշտադիտարկման և շտկման միջոցները և արդյունքները:

Ֆրիդա Հակոբյանը հարցում է իրականացրել ուսուցիչների շրջանում՝ բացահայտելու ՀՀ մանկավարժական մասնագիտական ներուժի ձևավորման և զարգացման գործնթացների առանձնահատկություններն ու առկա հիմնախնդիրները. մշակել է սույն հիմնախնդիրների լուծման ուղղված գործողությունների նոր պլան:

Ատենախոսը հաջողված բովանդակային ձևաչափով կարողացել է մշակել և հետազոտությամբ հիմնավորել մանկավարժական մասնագիտական ներուժի գործունեության արդյունավետության դինամիկ մոդել, որն իր մեջ ներառում է ուսուցիչների մասնագիտական պատրաստման և զարգացման քայլեր, պետական քաղաքականությանն առնչվող դրույթներ:

Բավականին հարուստ և զիտական խորք վերլուծություններով է աչքի ընկնում Ֆրիդա Հակոբյանի աշխատանքի հետազոտական մասը. հեղինակն անց է կացրել հարցում ուսուցիչների շրջանում. հարցումն իրականացվել է 432 ուսուցիչների՝ 24 արական, 408 իգական սեռի ներկայացուցիչների շրջանում. հեղինակն էմպիրիկ արդյունքների, օրենսդրության ուսումնասիրության, վիճակագրության ուսումնասիրության և վերլուծության տվյալների հիման վրա, բացահայտել է ՀՀ-ում մանկավարժական մասնագիտական ներուժի ձևավորման, զարգացման առանձնահատկությունները, վեր է հանել ոլորտում առկա բացթողումները, այդ գործնթացներում առկա հիմնախնդիրները. կազմել է գործողությունների պլան՝ ուղղված առաջացած հիմնախնդիրների լուծմանը:

Ատենախոսի կողմից ներկայացրած դինամիկ մոդելն իր մանկավարժական պայմանների համալիրով կարող է նպաստել մանկավարժական մասնագիտական ներուժի ձևավորման ու զարգացման գործնթացների ակտիվացմանը և կատարելագործմանը: Հետազոտության արդյունքները կարող են օգտակար լինել պետության կրթական քաղաքականության իրականացման, կրթական ծրագրերի մշակման գործնթացներում, նաև ուսումնամեթոդական ձեռնարկների մշակման աշխատանքներում, ինչպես նաև կարող են ներդրվել ուսուցիչների մասնագիտական վերապատրաստման և զիտահետազոտական աշխատանքներում:

Հետազոտության շարադրանքում տրամաբանական հաջորդականությամբ լուծված են նպատակով պայմանավորված խնդիրները, ապացուցված են հիմնադրույթները, հիմնավորված է զիտական նորույթն ու հետազոտության տեսական և գործնական նշանակությունը:

Աստենայիսուությունը գերծ չէ նաև որոշ թերություններից.

1. Լավ կլիներ, եթե ենթազլուխների եզրակացություններն ավելի քննզրկուն լինեին:
2. Աշխատանքի 3-րդ զիսի 2-րդ ենթազլուխը նպատակահարմար կլիներ միացվեր 3-րդ զիսի 3-րդ ենթազլուխը բովանդակությանը:
3. Որոշ ձևակերպումներ, բառակազմակցություններ երկարաշունչ են. դրանք վերանայման, հստակեցման և խմբագրման կարիք ունեն /էջ 8, 10, 20, 21, 24/:

Սակայն նշված թերություններն էական չեն և չեն նսեմացնում աստենայիսության գիտական արժեքը:

Եզրակացություն

Ֆրիդա Հմայակի Հակոբյանը միանշանակ իրականացրել է լուրջ, ինքնուրույն գիտական հետազոտություն: Նրա «Մանկավարժական մասնագիտական ներուժի ձևավորման և զարգացման ուղղությունները Հայաստանի Հանրապետության կրթության ոլորտում» խորագրով աստենայիսությունն ավարտուն, գիտական ուսումնասիրություն է, այն ամբողջովին բավարարում է մանկավարժական գիտությունների թեկնածուի աստիճանին ներկայացվող ՀՀ ԲՈԿ-ի գիտական աստիճանաշնորհման կանոնակարգի 7-րդ կետի պահանջներին, իսկ հեղինակն արժանի է իր կողմից հայցած մանկավարժական գիտությունների թեկնածուի գիտական աստիճանին ԺԳ.00.01 «Մանկավարժության տեսություն և պատմություն» մասնագիտությամբ:

ՊԱՇՏՈՆԱԿԱՆ ՀԱԴՐԵՄԱՆՈՒ

ՄԱՆԿԱՎԱՐԺԱԿԱՆ ԳԻՏՈՒԹՅՈՒՆՆԵՐԻ

ԹԵԿՆԱԾՈՒ, ՌԱՅԵՆԱ

Id. Արքի

ԱՐՈՒՍՅԱԿ ՀՈՎՃԱՆՆԻՍՅԱՆ

Մանկավարժական գիտությունների թեկնածու, դոցենտ

Արուսյակ Հովչաննիսյանի ստորագրությունը հաստատում եմ՝

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԱՅԱՆԱԿԱՆ ԽՈՐԱԳՈՒԹՅԱՆ ՀԱՆՐԱՊԵՏՈՒԹՅԱՆ



Արքինեալ

ԱՐՔԻՆԵԱԼ ԻՍՊԻՐԱԿԱՆ ՀԱՆՐԱՊԵՏՈՒԹՅԱՆ

09/11/2023